

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-20186/24
Sarajevo, 20.11.2024. godine

Na osnovu člana 70. Zakona o javnim nabavkama ("Službeni glasnik", br. 39/14,59/22 i 50/24) i člana 26. Pravilnika o javnim nabavkama roba, vršenju usluga i ustupanju radova, br. , br. 02/12-45-25701/22 od 10.12.2022. godine, u predmetu javne nabavke "Nabavka usluge izrade projektne dokumentacije za OŠ AVDO SMAILOVIĆ" u Otvorenom postupku javne nabavke, objavljenom u Službenom glasniku BiH, br. 55/24 i Portalu javne nabavke br. 422-1-2-176-3-234/24 od 13.08.2024. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača IPSA INSTITUT DOO SARAJEVO, sa ponudom u iznosu 169.182,00 KM sa PDV – om, u predmetu javne nabavke "Nabavka usluge izrade projektne dokumentacije za OŠ AVDO SMAILOVIĆ" u Otvorenom postupku javne nabavke, objavljenom u Službenom glasniku BiH, br. 55/24 i Portalu javne nabavke br. 422-1-2-176-3-234/24 od 13.08.2024. godine, shodno članu 64. stav 1. tačka b) Zakona o javnim nabavkama.

2. Zadužuje se Služba za zajedničke poslove da obavjesti učesnike u postupku javne nabavke o dodjeli ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. Zakona o javnim nabavkama u roku od 5 dana po prijemu ove Odluke.

4. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke "Nabavka usluge izrade projektne dokumentacije za OŠ AVDO SMAILOVIĆ" pokrenut je u skladu sa članom 18. Zakona o javnim nabavkama u Otvorenom postupku javne nabavke, objavljenom u Službenom glasniku BiH, br. 55/24 i Portalu javne nabavke br. 422-1-2-176-3-234/24 od 13.08.2024. godine.

Izvještajem i preporukom Komisije za javne nabavke roba i usluga utvrđeno je sljedeće:

- Da je Zapisnikom sa otvaranja ponuda od 04.09.2024. godine, konstatovano je da je zaprimljeno osam ponuda:

1. ROUTING DOO BANJA LUKA, sa ponudom u iznosu 198.549,00 KM sa PDV – om,
2. IPSA INSTITUT DOO SARAJEVO, sa ponudom u iznosu 169.182,00 KM sa PDV – om,
3. ARHITEKTONSKI ATELJE MODUL DOO TUZLA, sa ponudom u iznosu 140.283,00 KM sa PDV – om,
4. CENTAR ZA PROJEKTOVANJE I KONSALTING DOO BANJA LUKA, sa ponudom od 138.294,00 KM sa PDV – om,
5. INATITUT ZA GRAĐEVINARSTVO IG DOO BANJA LUKA, sa ponudom u iznosu od 116.998,83 KM sa PDV – om,
6. URBIS CENTAR DOO BANJA LUKA, sa ponudom u iznosu od 139.230,00 KM sa PDV-om,
7. I.D.E.A. DOO SARAJEVO, sa ponudom u iznosu od 336.093,91 KM sa PDV -om,
8. RADIS DOO ISTOČNO SARAJEVO, sa ponudom u iznosu od 186.030,00 KM sa PDV – om.

- Da je Komisija detaljnom analizom pristiglih ponuda, odnosno dokumentacije koja se nalazi u sastavu istih utvrdila da ponude ponuđača ROUTING DOO BANJA LUKA, IPSA INSTITUT DOO SARAJEVO i RADIS DOO ISTOČNO SARAJEVO ispunjavaju uslove specificirane tenderskom dokumentacijom.

- Da ponude ponuđača ARHITEKTONSKI ATELJE MODUL DOO TUZLA, CENTAR ZA PROJEKTOVANJE I KONSALTING DOO BANJA LUKA, INATITUT ZA GRAĐEVINARSTVO IG DOO BANJA LUKA, URBIS CENTAR DOO BANJA LUKA i I.D.E.A. DOO SARAJEVO ne ispunjavaju uslove specificirane tenderskom dokumentacijom.

- Ponuda ponuđača I.D.E.A. DOO SARAJEVO je neprihvatljiva, obzirom da cijena ponude premašuje planirana, odnosno osigurana novčana sredstva ugovornog organa za predmetnu nabavku, imajući u vidu da je procjenjena vrijednost nabavke 200.000,00 KM sa PDV om, a ponuda navedenog ponuđača iznosi 336.093,91 KM sa PDV – om,

- Ponude ponuđača ARHITEKTONSKI ATELJE MODUL DOO TUZLA, CENTAR ZA PROJEKTOVANJE I KONSALTING DOO BANJA LUKA, INATITUT ZA GRAĐEVINARSTVO IG DOO BANJA LUKA, URBIS CENTAR DOO BANJA LUKA ne ispunjavaju uslove specificirane tenderskom dokumentacijom iz tačke 4.2.1. pod l) „Uvjerenje / potvrda o isporuci legalnog softvera izdata od ovlaštenog predstavnika za taj softver prevedeno na jedan od službenih jezika u BiH“ (original ili ovjerena kopija), obzirom da nisu dostavili ažurne potvrde/ uvjerenja kojim se dokazuje da su korisnici licence legalnog softvera koji je važeći u vremenskom periodu provođenja predmetne javne nabavke, odnosno da nisu dokazali da posjeduju važeću licencu za legalni softver za tekuću godinu.

Ponuđač ARHITEKTONSKI ATELJE MODUL DOO TUZLA je u sastavu ponude na stranici 38. i 39. dostavio Certifikat da koristi originalne softvere ArchiCAD od juna 2006. godine, izdatog od strane GRAPHISOFT iz juna 2006. godine, a preveden na službeni jezik BiH dana 29.08.2024. godine,

Ponuđač CENTAR ZA PROJEKTOVANJE I KONSALTING DOO BANJA LUKA je u Sastavu ponude na stranici 69. dostavio Registracionu kartu o stanju licenci programa BricsCARD na dan 20.03.2023. godine, izdatu od RADIMPEX SOFTWARE, Beograd.

Ponuđač INATITUT ZA GRAĐEVINARSTVO IG DOO BANJA LUKA je u sastavu ponude na stranici 143. i 145. dostavio Potvrdu o licenci kojom se navodi da navedeni ponuđač posjeduje opremu BricsCSR, ovlaštenog partnera BRICSYS, bez navođenja datuma i mjesta izdavanja iste.

Ponuđač URBIS CENTAR DOO BANJA LUKA je u sastavu ponude na stranici 99. i 101. Dostavio Certifikat kojim se konstatuje da je URBIS CENTAR d.o.o. Banja Luka korisnik ARCHICAD 26 NET01, izdat u Novom Sadu, u novembru 2022. godine od strane GRAPHISOFT Archicad.

Imajući u vidu da navedeni ponuđači u sastavu ponude nisu dostavili ažurne potvrde/ uvjerenja kojim se dokazuje da su korisnici licence legalnog softvera koji je važeći u vremenskom periodu provođenja predmetne javne nabavke, odnosno da nisu dokazali da posjeduju važeću licencu za legalni softver za tekuću godinu, to nisu ispunili uslove iz tačke 4.2.1. pod l) tenderske dokumentacije, te se njihove ponude odbacuju, shodno članu 68. Zakona o javnim nabavkama.

Obzirom da se radi o Otvorenom postupku, objavljenom u Službenom glasniku BiH, br. 55/24 i Portalu javne nabavke, broj obavještenja 422-1-2-176-3-234/24 od 13.08.2024. godine, da je dostavljeno osam ponuda od kojih tri ispunjavaju uslove specificirane tenderskom dokumentacijom, to je primjenom kriterija najniža cijena, shodno članu 64. stav 1. tačka b) Zakona o javnim nabavkama, na Preporuku Komisije za javne nabavke roba i usluga, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis



Općinski načelnik

mr. Semir Efendić